



Dato: 15. februar 2023  
Kontor: Nordatlantkontoret  
Sagsbeh: Astrid Boesen  
Sagsnr.: 2022-490-0337  
Dok.: 2736979

### **Eqikkaaneq**

**Kalaallit Nunaanni eqqartuussisarnermik inatsisip allangortinneqar-  
nissaanut inatsisissatut siunnersuut (Pinerlunnernut Immikkut Isi-  
gisarialinnut Nuna tamakkerlugu Immikkoortortap Kalaallit Nunaan-  
nut piginnaatitaanera il. il.) aamma pillaasarnermik inatsisip,  
eqqartuussisarnermik inatsisip, aningaasanik malunnarun-  
naarsaasarneq pillugu inatsisip aamma inatsisit allat assigiinngitsut  
pillugit inatsisip allangortinneqarnerata ilaanik Kalaallit Nunaannut  
atuutilersitsinissamut missingiut**

Politiit aamma unnerluussisussaataasut 2021-2023-mi aningaasaqarnerat pillugu isumaqatigiissut aallaavigalugu Pinerlunnernut Immikkut Isigisarialinnut Nuna tamakkerlugu Immikkoortortaq Danmarkimi pilersinneqarpoq 1. januar 2022-miit atuutilersumik inatsisikkut nr. 2601, 28. december 2021-meersukkut. Taamaaliornikkut politiini aamma unnerluussisussaataasuni immikkorluinnaq politiit aamma unnerluussisartut piginnaasaat immikkoortortami ataatsimoortinneqalerput aammalu katersorneqarlutik. Pinerlunnernut Immikkut Isigisarialinnut Nuna tamakkerlugu Immikkoortortap suliat isumalluutitigut oqimaannerpaat aamma pisariunerpaat paasiniartarpai aamma pillaatissartalimmik malersortarpai, tunngavissaqartumik ilimagineqaraangat, unoqqutitsineq immikkoorutilimmik annertussuseqartoq, aaqqissuussaasumik pinerlunnermut atassuteqartoq, nunani allani inatsisinik atortitsineq pillugu oqartussaqaqarfinnik pisariusumik suleqateqarnermik malitseqartoq, periutsit

immikkorluinnaq ittut atorlugit ingerlanneqarsimasoq imaluunniit allatut immikkuullarissumik pissuseqartoq. Pinerlunnernut Immikkut Isigisarialinnut Nuna tamakkerlugu Immikkoortorta q politeeqarfittut aaqqissuussaavoq nammineq unnerluussisussaataasoqarluni aammalu iliuusissatut suliassanik pisariusunik nuna tamakkerlugu ingerlatsinissamut piginnaatitaalluni. Pinerluttuleriner mi suut suliassa qarfiit immikkoortortap ataani ilaatinneqassanersut justitsministeri malittarisassanik erseqqinnerusunik aalajangersaanissamut piginnaatitsissummik tunineqarsimavoq. Taamaaqataani isumaqatigiissummi tunngaveqartumik unnerluussisoqarnermik nutaamik pilersitsisoqarpoq, Immikkut Pinerluuteqarneq pillugu Naalagaaffiup Unnerluussisuanik, ilaatigut Pinerlunnernut Immikkut Isigisarialinnut Nuna tamakkerlugu Immikkoortortap pisariusunik pillaatissartalinnik suliaqarneranik nakkutilliisumik.

Tamatumunnga ilutigitillugu Pinerlunnernut Immikkut Isigisarialinnut Nuna tamakkerlugu Immikkoortortap aqunneqarnerani suleqatigiinnermik pilersitsisoqarpoq, tassani oqartussa qarfiit aamma suliffe qarfiit toqqakkat aammalu inuit attuumassuteqartut aningaasarsianik malunnarunnaarsaasernerit aammalu peqqarniisaarniarnernik aningaasalersuisarnerit ingasattut aamma pisariusut akiornissaat aamma pitsaaliornissaat pillugu qanimut suleqatigiissinnaalerlutik. Suleqatigiinnermi pinerluttuleriner mi suliassa qarfiit allat Pinerlunnernut Immikkut Isigisarialinnut Nuna tamakkerlugu Immikkoortortap siuliassa qarfiinut ilaatinneqartut pillugit justitsministeri malittarisassanik erseqqinnerusunik aalajangersaanissamut piginnaatinneqarpoq. Suleqatigiinnermi oqartussa qarfiit peqataasut tassaapput politiit, akileraartarnermut aqutsisoqarfik aammalu aningaasarsianik malunnarunnaarsaasarnermut tunngatillugu nakkutilliinermut oqartussa qarfiit. Namminersortut peqataasinnaasut tassaapput, suliffe qarfiit aamma inuit aningaasarsianik malunnarunnaarsaasarneq pillugu inatsimmi ilaatinneqartut, assersuutigalugu aningaaseriviit. Suleqatigiinneq ilaatigut pinerlunnerit ingerlanneqartut sukkanerusumik paasineqarnissaannut, unitsinneqarnissaannut aammalu pillaatissartalimmik malersorneqarnissaannut iluaqutaassaaq, soorlutaaq suliffe qarfiit

aningaasarsiornermik ingerlataqartut aningaasarsianik malunnarunnaarsaasarnerit il. il. pitsaaliorniarlugit iliuuseqarnerinut nukittorsaasinnaalluni. Tamatumunnga atatillugu danskit eqqartuussisarnermi inatsisaanni inatsisitigut sinaakkutinik aalajangersaasoqarsimavoq, suleqatigiinnermi paasissutissanik ingerlatitseqqiisinnaanermik isumannaarisunik, tassunga ilagitillugit paasissutissat isertuussat, aningaasarsianik malunnarunnaarsaasarnerit aammalu peqqarniisaarniarnernut aningaasalersuisarnerit pitsaaliorniarlugit aamma akiorniarlugit suliaqarnermut pingaaruteqartut. Taamaaqataanik paasiuutissanut suleqatigiinnermut atatillugu tiguneqartunut tunngatillugu nipangiussisimasussaataaernerfik immikkut ittumik eqqussisoqarpoq.

Kalaallit Nunaanni inuiaqatigiit Danmarkimisuulli assigiimmik sullinneqarnissaat isumannaarniarlugu, Kalaallit Nunaanni eqqartuussisarnermi inatsimmik allannguinnissat pisariaqartinneqarput, Pinerlunnernut Immikkut Isigisarialinnut Nuna tamakkerlugu Immikkoortortaq aamma suleqatigiinneq Kalaallit Nunaanni ingerlalluarsinnaaqullugit, allannguuteqartitsinikkut Kalaallit Nunaannut naapertuuttunik.

Inatsisissatut siunnersuutitigut siunnersuutigineqarpoq Kalaallit Nunaannut eqqartuussisarnermi inatsimmi nutaaq § 62 h eqqunneqassasoq, tassuunakkullu Pinerlunnernut Immikkut Isigisarialinnut Nuna tamakkerlugu Immikkoortortaq Kalaallit Nunaanni sulianik ingerlatsinissamat piginnaatitaalerluni. Tamanna isumaqarpoq, immikkoortortaq suliani isumalluutitigut oqimaannerpaani aamma pisariunerpaani paasiniaaernerfik aamma pinerluttulerinermut tunngatillugu malersuinerfik ingerlatsisinnaalernissaa, ullumikkut taamaallaat Kalaallit Nunaanni politiinit isumagineqarsinnaasuni. Taamaalilluni pinerluttulerinermut tunngatillugu malersuisarnermi, eqqartuussiviit, Nunatta Eqqartuussivia aamma Nunatta Eqqartuussisuuneqarfia ilaatinneqassapput. Taamatuttaaq siunnersuutigineqarpoq, justitsministeri Kalaallit Nunaanni pinerluttulerinermut tunngatillugu suut Immikkut Pinerluuteqarneq pillugu Nuna tamakkerlugu Immikkoortortamat

ilaatinneqarnissaat pillugu, aamma paasiniaanerit aammalu pinerluttulerinermut tunngatillugu malersuinerit piunasaqaatit suut tunngavigalugit, taarsiullugu Kalaallit Nunaanni politiinit isumagineqarnissaat pillugu malittarisassanik erseqqinnerusunik aalajangersaasinnaassaaq. Tamatumani suliamut aalajangersimasumut tunngatillugu Kalaallit Nunaanni sumiiffimmi aalajangersimasumut tunngatillugu immikkut ilisimasaqarnissaq pineqarpoq.

Aammattaq inatsimmi tassani siunnersuutigineqarpoq § 62 i-mik nutaamik ikkussinissaq, tamatuma kingorna suleqatigiinneq, Pinerlunnernut Immikkut Isigisarialinnut Nuna tamakkerlugu Immikkoortortap aqutsineratigut Danmarkimi pilersinneqartoq, aamma Kalaallit Nunaanni atuutissalluni. Piunasaqaatigineqarpoq, danskit aamma kalaallit attuumassuteqartut suleqatigiinnermut peqataasinnaanissaat, tassunga ilagitillugit kalaallit oqartussaqaarfii aammalu namminersortut toqqakkat Kalaallit Nunaanni aningaasarsianik malunnarunnaarsaasarnermut inatsimmi ilaatinneqartut, Kalaallit Nunaanni pissutsinut tunngasunik sullivanik ingerlatsisoqaraangat. Tamatumunnga atatillugu siunnersuutigineqarpoq inatsisitigut sinaakkummik aqutissiuussinissaq, aamma Kalaallit Nunaanni paasissutissanik avitseqatigiissinnaanermik isumannaarisumik, tassunga ilagitillugit paasissutissat isertuussat, aningaasarsianik malunnarunnaarsaasarnerup aamma peqqarniisaarniarnernik aningaasalersuisarnerup pitsaaliorneqarnissaannut aamma akiornissaannut pingaaruteqartut. Taamatuttaaq siunnersuutigineqarpoq, paasissutissat suleqatigiinnermut atatillugu tiguneqartut pillugit nipangiussisimasussaataarnermik immikkut ittumik eqqussisoqarnissaa, suleqatigiinnermi isertuussinissaq pisariaqartoq isumannaarumallugu. Kiisalu siunnersuutigineqarpoq, suleqatigiinnermi suliat aningaasarsianik malunnarunnaasaasarnermut aamma peqqarniisaarniarnernik aningaasalersuisarnermut tunngassuteqanngitsut suliarineqarsinnaaneritut justitsministeri malittarisassanik erseqqinnerusunik aalajangersaasinnaasoq.

Inatsisissatut siunnersuutip saniatigut justitsministeri kunngip peqqussutaatigut pillaasarneq pillugu inatsisip, eqqartuussisarnermi inatsisip, aningaasarsianik malunnarunnaarsaasarneq pillugu inatsisip aamma inatsisit allat assigiinngitsut attuumassuteqartutigut allanngortinneqarnissaannut inatsisissatut missingiummik suliaqarsimavoq. Aningaasarsianik malunnarunnaarsaasarneq pillugu inatsimmut kinguneqaataasumik allannguutit ilaannik ilaqarpoq kiisalu aningaasarsianik malunnarunnaarsaanerit pillugit Hvidvasksekretariatet-imut nuussinernik immikkut pasinartulinnik nalunaarutiginnittarnermut fast track-imik (sukkanerusumik) aaqqissuussinermik. Fast track-imik aaqqissuussinerup malitsigivaa, aningaaserivinniit il. il. nalunaarutiginninnissamut pisussaaffilinniit aningaasarsianik malunnarunnaarsaanerit pillugit nalunaarutiginninnerit nuussinernut annertuunut aamma allanut immikkut pasinartunut tunngatillugu Hvidvasksekretariatet-imi immikkut suliarinninnissaq. Tamanna assersuutigalugu aningaaseriviit nuussinermik unitsitsinissamut pisussaaffiannik ilaqartinneqassaaq, arsaarinnittoqarsinnaanera pillugu kingusinnerpaamik aningaaserivimmi suliffiusumi tulliuttumi sulinerup naannginnerani allattoqarfimmiit akissummik tiguisimanissaq tikillugu. Aaqqissuussineq eqaatsoq siunniunneqarpoq, tassani justitsministeri nuussinerup annertussusissaa pillugu aamma qaqugukkut nuussinerit immikkut pasinartulittut isigineqarnissaannut piumasaaqatinut allanut tunngatillugu malittarisassanik erseqqinnerusunik aalajangersaanissamut piginnaatinneqassalluni. Aamma siunnersuutigineqarpoq suliffeqarfinnut aamma inunnut aningaasarsianik malunnarunnaarsaasarneq pillugu inatsimmi ilaatinneqartunut nipangiussisimasussaatitaaneq atuuttoq annertusissallugu, paasissutissanut aningaasarsianik malunnarunnaarsaasarneq pillugu inatsimmi § 26 malillugu nalunaarutiginnissutigineqartunut attuumassuteqartunut, oqartussaqaarfinni atorfilittanut tamanut atuuttussanngortillugu. Annertusaanikkut siunnersuutigineqartukkut oqartussaqaarfinni paasissutissanik taamaattunik pissarsisinnaaneq killilerneqassaaq, pineqartunut tunniunneqartussaagaluartunik ilaatigut Kalaallit Nunaanni pisortat

ingerlatsinerat pillugu inatsimmi aamma pisortani suliarinnittarneq pillugu Inatsisartut inatsisaanni kiisalu Kalaallit Nunaanni inunnut paasisutissat pillugit inatsimmi illuatungeriit pisinnaatitaaffii malillugit. Tamatumuunakkut isumannaarneqarpoq, suliffeqarfinni atorfilittanik illersuineq aningaasarsianik malunnarunnaarsaasarneq pillugu Kalaallit Nunaannut inatsimmi ilaatinneqartunik, Hvidvasksekretariatetimit nalunaarutiginninnissamut pisussaaffeqartunik.

Maluginiaqquneqarpoq inatsisissat siunnersuut tusarniaassutigineqarnikummat piffissami 9. januaarimiit 6. februar 2023 ilanngullugu, tusarniaanermullu oqaaseqaateqartoqarsimanngilaq.